



Adresseinformasjon fylles inn ved ekspedering.  
Se mottakerliste nedenfor.

Dato: 03.04.2019  
Vår ref: 18/02665-12  
Deres ref:

## Høring av søknad om driftskonsesjon for Einangane (Treungen) i Nissedal kommune. Tiltakshavar: Knut Haugsjå AS.

Leiv Erikssons vei 39  
Postboks 3021 Lade  
N-7441 Trondheim

**TELEFON** + 47 73 90 46 00  
**E-POST** [post@dirmin.no](mailto:post@dirmin.no)  
**WEB** [www.dirmin.no](http://www.dirmin.no)

**GIRO** 7694.05.05883  
**SWIFT** DNBANOKK  
**IBAN** NO5376940505883  
**ORG.NR.** NO 974 760 282

**SVALBARDKONTOR**  
**TELEFON** +47 79 02 12 92

Direktoratet for mineralforvaltning med Bergmeisteren for Svalbard (DMF) har fått inn søknad om driftskonsesjon etter minerallova § 43, motteke ved DMF den 1. juni 2018.

Med dette sender vi søknaden om driftskonsesjon på høring i samsvar med forvaltingslova § 17. Vi ber kommunen om å informere oss snarast dersom partar som saka vedkjem i særleg grad, ikkje står på adresselista for denne høringa.

### Høringsfrist: 8. mai 2019.

Søknaden med vedlegg er tilgjengeleg på [dirmin.no](http://dirmin.no) under «Saker til høring».

### Samandrag av søknaden

Knut Haugsjå AS søker om driftskonsesjon etter mineralloven for Einangane (Treungen). Steinbrotet er lokalisert på gbnr. 47/3 og 35/8 i Nissedal kommune. Omsøkt område er ca. 63 daa. Tiltakshavaren antyder et årleg uttaksvolum på 10 000 m<sup>3</sup>, og eit totalt samla uttak av mineralførekomsten på 170 000 m<sup>3</sup>. Førekomsten består av fast fjell som skal knusast opp i ulike fraksjonar.

Massane skal nyttast som byggeråstoff i bygg- og anleggsverksemd. Den dominerande bergarten i området er granitt. Ifølgje tiltakshavaren er steinen ganske sprø, har god slitestyrke og blir lett kubisk under produksjon. Steinen har god mekanisk styrke, noko som gjer den godt eigna til bruk på småveggar, som grøftesingel og strøsingel. Steinbrotet er av NGU klassifisert som ein kommunalt viktig ressurs.

Omsøkt uttak ligg delvis innafor område avsett til råstoffutvinning i kommuneplanen sin arealdel for Nissedal kommune. Resten av uttaket ligg innafor eit område avsett til LNF i kommuneplanen sin arealdel. Ifølgje tiltakshavaren er kommunen klar over avviket mellom arealplanen og den faktiske lokaliseringa av steinbrotet, og at dette skal rettast opp ved neste rullering av kommuneplanen.



### **Forventingar til høyringsfråsegnene**

DMF ber om at offentlege etatar ut frå eige ansvarsområde vurderer om noko tilseier at driftskonsesjon ikkje bør tildelast, eventuelt om det skal stillast vilkår om avbøtande tiltak.

Private partar kan komme med innspel til relevante forhold i den aktuelle saka. Dersom noko ikkje er tilstrekkeleg belyst i søknaden, ber vi om opplysningar om dette.

Arealbruk er regulert gjennom plan- og bygningslova der kommunen er forvaltingsmyndigheit. Fråsegner knytte til dei arealdisponeringane kommunen har vedteke (arealplan, reguleringsplan og eventuell dispensasjon frå reguleringsplan), legg vi derfor ikkje vekt på i vurderinga vår.

Denne søknaden gjeld driftskonsesjon etter minerallova. Tildeling av driftskonsesjon erstattar ikkje krav om andre løyve, godkjenning, arealavklaring eller konsesjon etter anna lovgiving.

Vi ber **kommunen, fylkesmannen og fylkeskommunen** opplyse om tiltaket påverkar miljøet, mellom anna naturmangfald, kulturminne og forureining. Dersom kommunen eller fylkesmannen har informasjon om slik påverknad, vil vi gjerne ha ei utgreiing om eventuelle konsekvensar og konkrete forslag til avbøtande tiltak og vilkår.

Heile eller delar av høyringsuttalane kan bli refererte i vedtaket som seier om konsesjon blir gitt eller ikkje. Søkjaren får høve til å kommentere høyringsuttalar før vi gjer vedtak.

### **Kva vurderer DMF i samband med søknaden?**

Formålet med minerallova er å fremje og sikre samfunnsmessig forsvarleg forvaltning og bruk av mineralressursane i samsvar med prinsippet om ei berekraftig utvikling. Alle uttak av mineralske ressursar større enn totalt 10 000 m<sup>3</sup> og alle uttak av naturstein er konsesjonspliktige.

DMF vurderer søknadene etter skjønn før vi eventuelt tildeler driftskonsesjon. I vurderinga legg vi vekt på om søkjaren er «skikka» til å utvinne førekomsten. Det vil seie om prosjektet synest økonomisk gjennomførleg, om søkjaren har god nok kompetanse, og om det er lagt opp til bergfagleg forsvarleg drift av førekomsten.

Vi vurderer òg

- kva tiltaket betyr for verdiskaping og næringsutvikling
- korleis tiltaket påverkar naturgrunnlaget for samisk kultur, næringsliv og samfunnsliv
- korleis tiltaket påverkar omgivingane og nærliggjande område under drifta
- kva miljømessige konsekvensar tiltaket får
- kva planar som ligg føre for etterbruk eller tilbakeføring av området

DMF stiller normalt vilkår ved tildeling av driftskonsesjon i medhald av minerallova § 43. Vilkåra omfattar mellom anna krav til driftsplan og økonomisk trygd for sikring og opprydding etter avslutta drift.



### Høyringsfråsegnene skal sendast til

E-post: [post@dirmin.no](mailto:post@dirmin.no) eller ordinær post: Direktoratet for mineralforvaltning med Bergmeisteren for Svalbard, Postboks 3021 Lade, 7441 Trondheim

For nærmare informasjon om minerallova med tilhøyrande forskrifter, sjå heimesida vår på [www.dirmin.no](http://www.dirmin.no).

Med helsing

Magnus Aune Ligård  
overingeniør

Stine Borge Nordskog  
rådgiver

*Dokumentet er elektronisk signert og har difor ikkje handskrivne signaturar.*  
Sakshandsamar: Stine Borge Nordskog

Mottakarar:

Nissedal kommune		3855 TREUNGEN
Norges vassdrags- og energidirektorat Region sør	Postboks 2124	3103 TØNSBERG
Fylkesmannen i Vestfold og Telemark	Postboks 2076	3103 TØNSBERG
Telemark fylkeskommune	Postboks 2844	3702 SKIEN
Statens vegvesen Region sør	Postboks 723 Stoa	4808 ARENDAL
Gunn-Elise L. Ramlet	Heimdalsvegen 308	3855 TREUNGEN
Olav Hardeberg	Holteveien 58	4886 GRIMSTAD
Inger Homme Nokevje	Homme 74	3855 TREUNGEN
Sigvald Homme	Hans Hansens vei 110	3021 DRAMMEN
Svein Gunstein Dahl	Homme 122	3855 TREUNGEN
Hølje Haugsjå	Tjønnfoss 215	3855 TREUNGEN
Vest-Telemark Kraftlag AS		3891 HØYDALSMO
Kopi til:		
Knut Haugsjå AS	Sundsmoen 11	3855 TREUNGEN